


Araling Panlipunan

Unang Markahan – Modyul 4: Kaugnayan ng Lokasyon sa Heograpiya ng Pilipinas



PAG-AARI NG PAMAHALAAN
HINDI IPINAGBIBILI



Alamin

Sa nakaraang modyul ay natukoy mo ang hangganan at lawak ng teritoryo ng Pilipinas. Sa modyul na ito palalawigin mo ang iyong kaalaman tungkol sa ugnayan ng lokasyon ng Pilipinas sa heograpiya nito.

Pamantayang Pangnilalaman

Naipamamalas ang pang-unawa sa pagkakakilanlan ng bansa ayon sa mga katangiang heograpikal gamit ang mapa.

Pamantayan sa Pagganap

Naipamamalas ang kasanayan sa paggamit ng mapa sa pagtukoy ng iba't ibang lalawigan at rehiyon ng bansa.

Pamantayan sa Pagkatuto

Pagkatapos mong basahin ang modyul na ito, ikaw ay inaasahang:

Nasusuri ang ugnayan ng lokasyon ng Pilipinas sa heograpiya nito.
(AP4AAB- Ig-h-10)



Ano kaya ang heograpiya?
May epekto kaya ito sa sa
pag-unlad ng ating bansa?



Subukin

Lagyan ng tsek (✓) kung ang pahayag ay tama at (✗) naman kung mali. Isulat ang sagot sa sagutang papel:

- _____ 1. Ang heograpiya ay pag-aaral ng katangiang pisikal ng lugar tulad ng lokasyon, hugis, sukat, lawak, klima, anyong-lupa, anyong tubig at iba pang pinagkukunang-yaman.
- _____ 2. May magandang epekto sa pamumuhay ng mga Pilipino ang pagkakaroon ng maraming mga pulo na nagsisilbing daungan ng mga sasakyang pandagat.
- _____ 3. Ang Pilipinas ay angkop para sa tanggulang lakas panghimpapawid at pandagat dahil mula sa bansa kitang-kita ang Hilagang Asya, Timog-Silangang Asya hanggang Timog-Kanlurang Asya o Gitnang-Silangan.
- _____ 4. Ang mga bulkan sa Pilipinas gaya ng Bulusan at Bulkang Mayon ay malaking tulong sa pagpapataba ng lupang taniman.
- _____ 5. Malaking tulong ang pagiging arkipelago ng Pilipinas dahil walang mga *smuggler* na nakakapasok sa bansa.
- _____ 6. Ang heograpiya ng isang bansa ay mayroong mabuti at di-mabuting epekto sa mga mamamayan nito.
- _____ 7. Ang lokasyon ng Pilipinas ay hindi-estratihekong daanan ng mga sasakyang pandagat at panghimpapawid.
- _____ 8. Ang pagiging kapuluan ng Pilipinas ay hadlang sa mabilis na pakikipag-ugnayan sa buong kapuluan lalo na sa panahon ng kalamidad.
- _____ 9. Hindi angkop na maging sentro ng komunikasyon, transportasyon at mga produktong pangkabuhayan ang Pilipinas sa Timog-Silangang Asya dahil sa ito ay isang arkipelago.
- _____ 10. Dahil sa napakagandang lokasyon ng Pilipinas, maraming mga dayuhan ang nais makarating sa Pilipinas at manatili rito.

Aralin**1****Kaugnayan ng Lokasyon sa Heograpiya ng Pilipinas*****Balikan*****LETRA-BUSTER**

Tukuyin ang sagot sa mga tanong gamit ang gabay titik sa unahan ng bawat tanong.

1. Anong T ang tumutukoy sa sukat ng lupaing sakop ng isang lugar?
2. Anong S ang naglalaman ng batas ukol sa teritoryo ng Pilipinas
3. Anong T ang bahagi ng kontinenteng kinabibilangan ng Pilipinas?
4. Anong P ang bumubuo sa arkipelago ng Pilipinas?
5. Anong A ang nakapaligid sa kapuluan ng Pilipinas?

***Tuklasin*****HULAAN MO AKO!**

Basahin ang mga pahayag at sagutan. Gamitin ang gabay na kahon at titik sa ibaba.

1. Tumutukoy sa pag-aaral ng katangiang pisikal ng lugar tulad ng lokasyon, hugis, sukat, lawak, klima, anyong-lupa, anyong tubig at iba pang pinagkukunang-yaman.

	E			R				Y	
--	---	--	--	---	--	--	--	---	--

2. Salitang naglalarawan sa heograpiya ng Pilipinas kung saan nagbunsod ito, na maging sentro ng komunikasyon, transportasyon, at mga produktong pangkabuhayan sa Timog-Silangang Asya.

E	S		R		T					O
---	---	--	---	--	---	--	--	--	--	---

3. Katangiang pangheograpiya ng Pilipinas na napaliligiran ng katubigan.

K		P		L			N
---	--	---	--	---	--	--	---

4. Tawag sa enerhiyang nakukuha mula sa mga bulkan.

G		O	T	H		R			L
---	--	---	---	---	--	---	--	--	---

5. Ang pagkakaruan ng maraming pulo ay nagbigay sa ating mga mangingisda ng malawak na _____.

P		N		I			A		N
---	--	---	--	---	--	--	---	--	---



Suriin

Ano ang Heograpiya?

Ito ay pag-aaral ng katangiang pisikal ng lugar tulad ng lokasyon, hugis, sukat, lawak, klima, anyong-lupa, anyong tubig at iba pang pinagkukunang-yaman. Ang kaugnayan ng mga ito sa pamumuhay ng tao ay kasama rin sa pinag-aaralan.

Ito ay isang mahalagang sangkap na nakakaapekto sa pag-unlad ng ekonomiya, politika at mga polisiyang militar.

Ano ang kahalagahan ng heoragpiyang panglokasyon ng Pilipinas?

- Ang lokasyon ng Pilipinas ay maganda at estratehikong daanan ng mga sasakyang pandagat at panghimpapawid kaya't naging sentro ng kalakalan sa Pasipiko at Asya sa larangan ng:
 1. Komunikasyon

2. Transportasyon at mga
3. Produktong pangkabuhayan sa Timog-Silangang Asya

- Ang Pilipinas ay angkop para sa tanggulang lakas panghimpapawid at pandagat dahil mula sa bansa, kitang-kita ang Hilagang Asya, Timog-Silangang Asya hanggang Timog Kanlurang Asya o Gitnang Silangan. Ito ang dahilan kung bakit matagal na panahong nanatili ang mga base militar ng America sa bansa gaya ng Clark Air Base sa Pampanga at Subic Naval Base sa Zambales. Sa mga base militar na ito tinipon ang mga sundalong Amerikano at mga armas pangdigma, noong makipagdigma ang America sa bansang Vietnam.
- Noong Ikalawang Digmaang Pandaigdig may kaugnayan ang lokasyon ng ating bansa sa digmaang ito. Dahil sa alitan ng mga Amerikano at Hapones, sinakop ng mga Hapones ang Pilipinas, at ito ay dahil sa paniniwala ng mga Hapones na ang “Asya ay para sa mga Asyano.” Ang Japan ay nasa Asya samantalang ang Amerika ay bansang kanluranin.
- Bago pa man dumating ang mga dayuhan, nadiskubre na ang kagandahan ng Pilipinas. Ang ating mga ninuno ay aktibo sa pakikipag-ugnayan sa mga karatig bansa tulad ng Tsina, Japan, India at Saudi Arabia. Ang pakikipag-ugnayang ito ang higit na nagpayaman at nagbigay kulay sa ating kultura gaya ng paniniwala, tradisyon, kaugalian at maging ang kasuotan at mga pagdiriwang.
- Sa kasalukuyan ang ating pinakamahalagang rutang pangkalakalan ay ang mga daungan ng barko para sa ating kalakalan sa Pasipiko patungo sa mga bansa sa Timog-Silangan.
- Ang Ninoy Aquino International Airport (NAIA) na pandaigdig nating paliparan ay nagiging terminal ng mga sasakyang panghimpapawid na nagmumula pa sa Timog Silangang Asya, Japan, United States, Australia at Europe.

Malaki ang epekto ng katangiang pang heograpiya o pisikal ng bansa. Ang pagiging arkipelago kung saan binubuo tayo ng maliliit at malalaking pulong hiwa-hiwalay, ay may maganda, at di-magandang naidudulot ito sa ating bansa. Lalong-lalo na sa larangan ng pag-unlad.

Narito ang ilan sa mga mabuti at di-mabuting epekto ng hegrapiyang pisikal ng bansa.


Mabuting Epekto:

- Marami tayong pulo na nagsisilbing daungan ng iba't ibang sasakyang pandagat.
- Malawak ang ating pangisdaan.
- Marami tayong mga magagandang baybayin na dinarayo ng mga turista.
- Ang pagkakaroon ng maraming bulkan gaya ng Bulkang Mayon at Bulusan sa Bicol ay nagpagkukunan natin ng enerhiya na kung tawagin ay "geothermal energy".
- Ang mga pagkakaroon ng maraming bulkan ay nakakatulong din sa pagpapataba ng lupa na mahalaga sa pagtatanim.
- Nagsisilbi rin itong atraksiyon sa mga turista na nagpapaunlad sa ating turismo.

Di- mabuting Epekto:

- Ang pagiging kapuluan ay malaking hadlang sa pakikipag-ugnayan sa iba't ibang bahagi ng bansa. Lalong lalo na kung tayo ay nasasalanta ng kalamidad. Mahirap makarating ang mga relief goods (tulong na ibinibigay ng pamahalaan at ibang ahensiya gaya ng pagkain, damit, at iba pa).
- Hindi rin naipapaabot agad ng mga mamamayan ang kanilang mga hinaing o suliranin sa pamahalaan lalo na yaong mga nasa liblib na lalawigan o kabundukan.
- Hindi rin lubos ang pagkakabuklod o pagkakaisa dahil sa iba't ibang wika.
- Sa ating mga baybayin marami tayong mga daungan na siya ring dahilan kung bakit maaaring may makapasok na mga smuggler (mangangalakal ng mga bagay na bawal gaya ng droga, pagkain, kagamitan at iba pa na hindi dumadaan sa tamang proseso ng pangangalakal) sa bansa.

- Dahil sa kakulangan ng maayos at sementadong daan at elektrisidad sa mga liblib o malalayong tagong lugar, nahihirapan ang ating pamahalaan na maiparating ang tulong pang kalusugan, pang-edukasyon, at pangkabuhayan sa mga lugar na ito.



Pagyamanin

A. Lagyan ng **tsek** kung ang pahayag ay tama, at **ekis** naman kung hindi. Isulat ang sagot sa sagutang papel.

- _____ 1. Ang heograpiya ay tumutukoy sa pag-aaral ng katangiang pisikal ng lugar tulad ng lokasyon, hugis, sukat, lawak, klima, anyong-lupa, anyong tubig at iba pang pinagkukunang-yaman.
- _____ 2. Ang heograpiyang lokasyon ay isang mahahalagang sangkap ng isang bansa na makakaapekto sa pag-unlad ng ekonomiya, politika, at mga polisiyang militar.
- _____ 3. Ang heograpiya ay walang kinalaman sa pamumuhay ng mga mamamayan sa bansa.
- _____ 4. Ang lokasyon ng Pilipinas ay maganda at estratehikong-daanan ng mga sasakyang pandagat at panghimpapawid kaya naging sentro ng kalakalan sa Pasipiko at Asya.
- _____ 5. Mahalaga at malaki ang bahaging ginagampanan ng Pilipinas sa pandaigdigang kaligtasan dahil sa estratehiyang lokasyon nito na angkop sa pagdedepensa laban sa pananalakay ng mga bansa sa silangan.

B. Isaayos ang mga titik sa loob ng kahon upang matukoy ng maayos ang konsepto.

1. Katangiang pangheograpiya na nakakatulong sa pagpapataba ng lupa na mahalaga sa pagtanim. Kung minsan naman ay nagiging sanhi ng pagkasira ng kabuhayan ng mga mamamayang nakatira malapit dito. Lalo na kung nagkakaroon ng pagsabog.

ULKBAN

2. Nakatutulong ang mga _____ ng barko sa daloy ng kalakalan ng bansa.

AUGANDN

3. Dahil sa pagiging kapuluan, hindi lubos ang pagkakabuklod at pagkakaisa ng mga Pilipino. Ito ay sanhi ng pagkakaroon ng iba't ibang _____.


AWIK

4. Isa sa mga katangiang pangheograpiya ng bansa ay ang pagkakaroon ng malalaki at malilit na pulo na hiwa-hiwalay. Ano ang tawag dito.

GOLAPEKIAR

5. Marami tayong magagandang baybayin na dinarayo ng mga turista at Pilipino. Anong industriya ang pinaunlad nito

RISMOTU



Nasiyahan ka ba na sagutan ang mga tanong? Galingan mo sa pagpapatuloy sa iba pang gawain.



Isaisip

E-KONEK

Punan ng tamang salita ang puwang sa ibaba upang mabuo ang kaisipan. Pagkatapos kopyahin mo ang buong kaisipan sa iyong sagutang papel.

Ang _____ ay tumutukoy sa pag-aaral ng _____ pisikal ng lugar tulad ng lokasyon, hugis, sukat, lawak, klima, anyong-lupa, anyong tubig at iba pang _____.


Ang _____ lokasyon ng _____ ay angkop sa _____ laban sa pananalakay ng mga bansa sa _____.

Ang Pilipinas ay isang _____ na binubuo ng malilit at _____ pulo na _____, ito ay may maganda at di-magandang epekto sa _____ ng bansa.

arkipelago	katangiang	estrategiyang	bansa
Pilipinas		pag-unlad	malaking
pinagkukunang-yaman		Silangan	hiwa-hiwalay
heograpiya		pagdedepensa	



Isagawa



Magaling madali mong nasagutan ang mga pagsasanay. Ngayon ay humanda ka na sa susunod na gawain.


MY BAKIT LIST...

C. Hanapin mo ang tamang paliwanag sa mga katanungan sa bawat bilang. Piliin mo ang titik ng tamang sagot sa kahon.

1. Bakit naging sentro ng komunikasyon, transportasyon at mga produktong pangkabuhayan sa Timog-Silangang Asya ang Pilipinas?	2. Bakit ang ilan sa ating paniniwala, tradisyon, pananalita, kaugalian, at maging mga kasuotan at mga pagdiriwang ay malaki ang pagkakahawig sa mga karatig-bansa?	3. Bakit mahalaga at malaki ang bahaging ginampanan ng Pilipinas sa pandaigdigang kaligtasan?	4. Bakit tayo sinakop ng mga Hapones noong Ikalawang Digmaang Pandaigdig, samantalang iyon ay labanan sa pagitan ng Amerikano at Hapones?
---	---	---	---

5. Bakit noong makipagdigma ang America sa Vietnam, sa Pilipinas nila tinipon ang mga sundalong Amerikano at mga armas militar bago ipadala sa Vietnam?

- A. Dahil ang ating mga ninuno noon ay matagal nang aktibo sa pakikipag-ugnayan sa mga karatig-bansa tulad ng Tsina, Japan, India, at Saudi Arabia.
- B. Dahil ang lokasyon ng Pilipinas ay maganda at estrahetikong-daanan ng mga sasaakyang pandagat at panghimpapawid at naging sentro ng kalakalan sa Pasipiko at Asya.
- C. Dahil sa mga base militar na itinayo ng Amerika sa Pilipinas gaya ng Clark Air Base at Subic Naval Base.
- D. Dahil sa paniniwala ng mga Hapones na ang “Asya ay para sa Asyano” hindi para sa mga bansang kanluranin.
- E. Dahil sa estratehikong lokasyon nito na angkop sa pagdepensa laban sa pananalakay ng mga bansa sa Silangan.
- F. Dahil mapagbigay ang mga Pilipino sa mga bansang kanluranin.



Natandaan mo ba ang mga epekto ng katangiang pangheograpiya ng bansa? Magaling! Ngayon ay subukan mo namang sagutin ang nakalaang gawain sa pagtataya.




Tayahin

A. Suriin kung maganda o masama ang epekto ng ugnayan ng lokasyon sa heograpiya ng bansa. Lagyan mo ng masayang mukha (☺) kung maganda at malungkot na mukha (☹) kung hindi.

- ☐ 1. Ang pagkakaroong ng maraming pulo na nagsisilbing daungan ng mga sasakyang pandagat.
- ☐ 2. Dulot ng estratehikong lokasyon ng bansa ginawa itong kanlungan ng mga Amerikano noong ito ay nakidigma sa Vietnam dahil sa mga base militar na itinayo ng mga Amerikano dito.
- ☐ 3. Ang pagiging mabulkan ng bansang Pilipinas ay nagsisilbing malaking tulong sa hanapbuhay ng mga mamamayan dahil ito ay nagpapataba ng kanilang lupang taniman.
- ☐ 4. Ang Pilipinas bilang kapuluan ay maaaring hadlang sa mabilis na pakikipag-ugnayan sa buong kapuluan lalo na sa panahon ng kalamidad.
- ☐ 5. Dahil sa kapuluan ang Pilipinas, isa ito sa bansa na may mahabang baybayin na nagbibigay ng maraming pook pasyalan para sa mga Pilipino at maging sa mga banyaga.


B. Basahin ang mga sitwasyon na nasa ibaba. Hanapin ang kaugnay na paliwag nito sa mga bilog. Isulat ang titik ng iyong sagot.





Karagdagang Gawain

Ibigay ang mabuti at di-mabuting epekto ng katangiang heograpiya o pisikal ng bansa gamit ang concept map.





Susi sa Pagwawasto

Subukin

1. /
2. /
3. /
4. /
5. x
6. /
7. x
8. /
9. x
10. /

Balikan

1. Teritoryo
2. Saligang Batas ng 1987
3. Timog-Silangang Asya
4. Pulo
5. Anyong tubig

Tuklasin

1. heograpiya
2. estratehiko
3. kapuluan
4. geothermal
5. pangisdaan

- Payamanin A
1. /
2. /
3. x
4. /
5. /
- B
1. BULKAN
2. DAUNGAN
3. WIKA
4. ARKIPELAGO
5. TURISMO
- C
1. B
2. A
3. E
4. D
5. C

ISASIP

IKONEK

Ang heograpiyaay tumutukoy pag-aaral ng katangiang pisikal ng lugar tulad ng lokasyon, hugis, sukat, lawak, klima, anyong-lupa, anyong tubig at iba pang pinagkukunang-yaman.

Ang estratehiyang lokasyon ng Pilipinas ay angkop sa pagdedepensa laban sa pananakal kay ng mga bansa sa Silangan.

Ang Pilipinas ay isang arkipelago na binubuo ng maliliit at malalaking pulo na hiwa-hiwalay, ito ay may maganda at di magandang epekto sa pag-unlad ng bansa

TAYAIN

ISAGAWA

KARAGDAGANG GAWAIN

1. A

2.

3.

4.

5.

1. D

2. B

3. A

4. C

5. E

1.B

2.A

3.E

4.D

5.C

Para sa kasagutan, balikan lang ang suriin.